

## HIERONYMUS.

qui post fugam David Michol uxorem ejus acceperat. Meminit & hujus loci Esaias. Dicitur autem esse quidam Accaron vicus qui vocetur Gallim.

<sup>1</sup> GAMEN, sive GAMON regio Moabitarum juxta Isaiam.

GAMZO, urbs in tribu Juda, vel in tribu Dan; nam in utriusque tribus videtur esse confinio, quantum colligi potest ex adjunctis urbibus, 2 Paral. xxviii. v. 18.

<sup>2</sup> GAREB, collis juxta Hierusalem, sicut scribit Hieremias.

<sup>3</sup> GARGASI, civitas trans Jordanem juncta monti Galaad, quam tenuit tribus Manasse, & hæc esse nunc dicitur Gerasa urbs insignis Arabiæ; quidam autem ipsam esse Gadaram existimant. Sed & Evangelium meminit Gerasenorum.

<sup>4</sup> GARIZIM, mons super quem steterunt hi, qui maledicta resonabant juxta montem Gebal, de quo infra.

<sup>5</sup> GASIONGABER, castra in solitudine filiorum Israël, sicut in Numerorum libro scriptum est, porro juxta Deuteronomium civitas est Esau, quam nunc Essiam nuncupari putant juxta mare rubrum & Ailam.

GAVER, ascensus juxta Jeblaam in dimidia tribu Manasse Cis-Jordanina, ubi Ochozias fugiens à Jehu lethali vulnere percussus est, ex quo paulò post obiit, 4 Reg. ix. v. 27.

<sup>7</sup> GAULON, sive Galon in tribu Manasse civitas Sacerdotalis & fugitivorum in regione Basanitide, sed & nunc Gaulon vocatur villa prægrandis in Bethania, ad cujus nomen & regio sortita vocabulum est.

## EΥΣΕΒΙΟΣ.

τὴν Μελχὸλ γυναῖκα Δαβὶδ μὲνηται ταύτης καὶ Ἡσαίας. λέγεται δὲ πλησίον Ἀκκαρὸν εἶναι τὴν κώμην ὁ Γαλιλαία καλεσμένη.

Γαμοὰ, χώρα Μωάβ ἐν Ἡσαία.

Γαρήν, βουνὸς πλησίον Ἱερουσαλὴμ ἐν Ἱερουσαλὴμ.

Γεργασεῖ, ἐπέκεινα τοῦ Ἰορδάνου παρακειμένη πόλις τῷ Γαλαὰδ, ἣν ἔλαβε Φυλὴ Μανασσῆ. αὕτη δὲ λέγεται εἶναι ἡ Γεράσα πόλις ἐπίσημος τῆς Ἀραβίας. τινὲς δὲ αὐτὴν εἶναι τὴν Γαδάραν φασίν. μένηται δὲ καὶ τὸ εὐαγγέλιον τῶν Γερασινῶν.

Γαριζὶν, ὄρος, ἐνθα ἕστησαν οἱ τὰς εὐλογίας καταλέγοντες, πλησίον τοῦ ποταμοῦ Γεβὰλ.

Γασίων Γαβέρ, ἐπὶ τῆς ἐρήμου, σταθμὸς τῶν υἱῶν Ἰσραὴλ, ὡς ἐν ἀριθμοῖς. ὡς δὲ ἐν δευτερονόμῳ, πόλις Ἡσαὺ. λέγεται δὲ ταύτην εἶναι τὴν Ἀσίαν, πλησίον τῆς ἐρυθρᾶς θαλάσσης καὶ Αἰλά.

## EUSEBIUS.

accepit Melchol uxorem David. Meminit hujus & Isaias. Dicitur verò esse prope Accaron quidam vicus qui vocetur Galilæa.

GÆMOA, regio Moab in Isaias.

GARËN, collis juxta Hierusalem in Hieremia.

GERGAS, trans Jordanem civitas vicina Galaad, quam cepit tribus Manasse. Ea verò dicitur esse Gerasa civitas illustris Arabiæ. Quidam eam esse dicunt Gadaram. Meminit & Evangelium Gerasenorum.

GARIZIN, mons in quo steterunt qui benedictiones recitabant juxta prædictum (montem) Gebal.

GASIONGABER, in eremo, statio filiorum Israël, ut in Numeris. Ut verò in Deuteronomio, civitas Esau. Ajunt autem hanc esse Asiam, juxta rubrum mare & Ælam.

GAULON, sive Golan, tribus Manasse, civitas sacerdotalis fugitivorum in Basanitide, & nunc vocatur Gaulon vicus in Catanæa maximus. Porro circumjacens regio idem cum eo vico nomen habet.

## NOTÆ.

1. Nusquam apud Isaiam, ne apud Septuaginta quidem Interpretes hanc vocem legas, ubi de Moabitis agit, quod facit Propheta Cap. 15. & 16. tantummodo in uno codice, Cap. 16. v. 2. legitur *Ammon*, pro quo cæteri codices *Arnon* habent, Hebræo textu consentiente. Suspitor ex voce, quæ apud Eusebium cernitur, legendum hic esse *Gemoab*: porro *Ammon* Hebræis significat *vallem Moab*. Fateor tamen nec illud me apud Isaiam reperire. BONFRERIUS.

2. Habes de hoc colle apud Hieremiam, Cap. 31. v. 39. *Hunc collem prædicit Propheta, amplificatis pomeriis, urbis mœnibus esse includendum.* IDEM.

3. Pro eo quod in versione nostra, Matth. 8. v. 28. habetur, *in regionem Gerasenorum*, in Græco habetur, *ἐν χώρῃ τῶν Γεργισινῶν*, in regionem Gergesenorum, pro quo alii Evangelistæ, ut supra diximus in *Gadara*, habent *Γαδάρων* *Gadarenorum*. Hinc nata illæ suspensiones *Gerasam*, *Gergesam*, *Gadaram* ejusdem urbis diversa esse nomina: at inter *Gerasam* & *Gadaram* esse distinguendum supra in *Gadara* diximus: *Gerasam* verò & *Gergesam* ejusdem urbis diversa esse nomina communis est opinio, quæ à Gergesæo primùm filio Chanaan nomen hoc sortiri potuit, postea tamen, ut fit, voce nonnihil corrupta & magis familiari usu dicta sit *Gerasa*. IDEM.

4. *Garizim* & *Hebal* duo montes fuerunt juxta Sichem, in quibus ex Moylis mandato, postquam Israëlita ingressi essent Terram Promissam, divinis ordinibus stare debuerunt; in monte *Garizim* quidem non ad maledicendum, ut videtur hic indicari, sed ad benedicendum, seu ad bona omnia apprecanda iis, qui divinas leges servarent: contra verò qui stabant in monte *Hebal* maledictiones intonarent divinæ legis violatoribus. Habes rem hanc à Moyse præceptam, Deuter. 11. v. 29, 30. Idem rursum repetitur, Deuter. 27. à v. 12. usque ad finem Capituli. Ubi & tribus distribuit, quæ in uno & altero monte stare debeant, & insuper maledictiones quæ sigillatim intentari debeant. Rem

hanc factam habes Jos. 8. à v. 30. usque ad finem Capituli. Porro, montem hunc vicinum fuisse urbi Sichem, ita ut quis è vertice montis loquens in ipsa urbe à civibus audiri posset, declarat Judic. Liber Cap. 9. v. 7. & deinceps. In hoc monte Samaritani templum Hierosolymitano æmulum ædificaverunt, de cujus ædificatione habes apud Joseph. xi. Antiq. Cap. 8. & diffidium inter Judæos & Samaritanos exortum occasione templi Hierosolymitani & Garizitani, utrum alteri præferendum, & præ altero censendum esset legitimum, causamque Alexandriæ coram Ptolemæo Philometore actam habes apud eundem Josephum Lib. xiii. Antiq. Cap. 6. Sed & Scriptura hujus templi meminit 2 Machab. 6. v. 2. & ad illud in eo monte templum respiciunt mulieris Samaritanæ & Christi verba, Joannis 4. v. 20, 21. Vide infra *Gebal*. IDEM.

5. *Maledicta* Imò *benedicta*, nam habet Eusebius *εὐλογίας*, & sic docet Historia Sacra, ut animadvertit Bonfrerius. Error est aut festinantis Hieronymi, aut Librariorum. CLERICUS.

6. De hoc loco & urbe supra in *Asiongaber* est dictum, ita enim in versione nostra exprimitur. Septuaginta Interpretes primam in Hebræo litteram y aliquando per G exprimunt, aliquando nullam ejus litteræ rationem habent. De mansionem Israëlitarum in *Asiongaber* habes, Numer. 33. v. 55. BONFRERIUS.

7. Pro *Bethania* hic repono *Batanæa*, & pro *Κατάνεια* & *Catanæa*, repono *Βατανεία* & *Batanæa*. Hæc urbs in versione nostra dicitur etiam *Gaulon*, & subinde *Golan*. Fuit hæc Levitica, non Sacerdotalis civitas, Jos. 21. v. 27. & 1 Paral. 6. v. 71. Inter refugii civitates censetur, Deuter. 4. v. 43. & Jos. 20. v. 8. Ab hac urbe celebri tota regio circumjecta dicta fuit *Gaulanitis* vel *Gaulanitica*, cujus non semel meminit Josephus. IDEM.

8. Non *Galilæa*, sed *Gallim* habet Hieronymus. IDEM.